

KOPANO

Dikaedi ka kakaretso tsa dikopano
mo nakong ya leroborobo



#UnityinAction

Kopano ke eng?

Kopano e kaya tiragalo e e baakantsweng kgotsa e e ntiragalelang, ka fa gare kgotsa kwa ntle ga lefelo, ka palo e le nnye ya batho ka ba tsayang karolo, kgotsa palo e tona ya batho ba ba leng kwa go yone.

Dikao tsa dikopano, tse dinnye kgotsa tse dinnye, di akaretsa ditiragalo tsa baagi, konsarata, moletlo, khonferense, mokoloko, lenyalo, kgotsa tiragalo ya motshameko.



Dikopano di tlhola dikgwetlho go ba ba yang kwa go tsone mo nakong ya leroborobo ka ntlha ya go latela ka moo mongwe a yang kwa go tsone le ditiragalo, le paka ya nako ya dikamano, fa e le kwa godimo go na le kgonagalo e e kwa godimo ya go tshelwa, le go tshela ba bangwe ka COVID-19.

www.solidarityfund.co.za


Maemo a a dikgwetlho tse di ka nnang teng (go tswa kwa Disenthareng tsa Taolo le Thibelo ya Malwetse)

Kotsi e e kwa Tlase



- Ditiragalo tsa mafaratlhatlha fela, tse dingwe le dikopano.

Dikotsi tse di Okeditsweng



- Dikopano tse dinnye tseo batho ba ba tswang kwa magaeng a a farologaneng di sa ntse di tlhoka katologano ya sekgala se se kana ka 1.5m, rwala mmaseke, le seka la arogana didiriswa, le go tswa kwa lefelong la selegae le lengwe (s.k., kwa baaging, torotswaneng kgotsa toropong).

Kotsi e e kwa Godimo



- Dikopano tse di nang le batho ba palo ya magareng tse di baakanyeditsweng/ dirilweng go letla batho go nna mo katologanong e e ka nnang ya 1.5m, ba bangwe ba rwala mmaseke le go tswa kwa mafelong a a kwa ntle ga selegae (s.k., kwa baaging, torotswaneng kgotsa toropong).

Kotsi e e kwa godimodimo



- Dikopano tsa batho ba le bantsi tsa ka fa gare ga lefelong le le rileng moo go leng thata gore batho ba katologane ka sekgala e ka nna sa 1.5m, ga ba rwale dimmaseke mme go na le pulelo ya mowa e nnye.


Go itshireletsa kwa dikopanong tse di farologaneng:



- Rwala mmaseke, go tswala nko le molomo.



- Tshola sekgala sa katologano.



- Tshola pulelo ya mowa e e tshwanetseng



- Dirisa sephepafatsitlosotwatsi kgotsa tlhapa diatla tsa kgafetsa

Laola dikopano go fokotsa kgwetlho ya ditshwaetso kgotsa go tlhola ditiragalo tse e leng tsone di tlohang ditshwaetso tse di feteletseng



- Beng kgotsa batsamaisi ba ditirelo tsa fa teng kgotsa kwa ntle ga lefelo le le rileng ba tshwanetse go baya setifikeiti sa bonno, se se tlahosang botlalogolo jwa palo ya batho bao lefelo le ka nnang le bone.



- Ka fa tlase ga Legato la 1 la melawanatsamaiso ya COVID-19, le fa dikopano tsa dikereke, tsa sedumedi, tsa botsalano, sepolotiki le tsa setso di letleletswe, botlalogolo jwa batho ba le 100 ba ka kopanela kwa teng ga mafelo a a tswalegileng.



- Mafelo a a tswalegileng, palo ya batho ba ba leng kwa go one e ka tihatlosa go ya go botlalogolo jwa ba le 250 fa sekgala sa katologano se ka nna teng.



- Kwa ditiragalong tsa kwa ntle kwa mafelong a mannye, selekanyo sa 50% sa teng se ka dirisiwa .



- Go di tsenela kwa mafelong a kwa ditirong go letleletswe fela fa e le gore ditsamaiso tsa Covid-19 di salwa morago.

Dikopano kwa dihoteleng, mafelong a bonno, diB&B, mafelo a bojanala a timeshare le kwa matlong a baeng




- Diphaposi tsotlhe kwa ditirelong tseno a ka nna le batho, fela balopaditirelo ba tshwanetse go tshola sekgala sa katologano sa dimitara di le 1.5 kwa mafelong a botlhe.



- Botlalogolo fela jwa batho ba le 100 ba ka dirisa lefelo la khonferense, go fitlha go ba le 250 kwa mafelong a a leng kwa ntle.

Dikopano kwa mabenkeleng a magolo, a go reka dithoto, a ditlhagiswa tsa maungo le ditlhare:



- Fa mafelo a le mannye go amogela batho ba ba letleletsweng (batho ba le 100) 50% fela ya selekanyo sa lefelo se ka dirisiwa.



- Palo fela ya botlalogolo jwa batho ba le 100 e tshwanetse go akaretsa balopaditirelo le badiri ba ba tshwanetseng go latela kelotlhoko ya mekgwa ya ipabalelo ya COVID-19.

Dikopano tsa ditiragalo tsa metshameko



- Ke babegadikgang fela, setlhopha sa badiri ba kwa rading le kwa thelebišeneng, ditirelo tsa tshoganyetso tsa kalafi le badiri ba ba tshwanetseng ba ba thapilweng ke beng ba mafelo ao ba letleletsweng go nna teng kwa tiragalong ya motshameko.



- Palo fela e e tlhokegang ya batshameki, batlhankedi ba motshameko, badiri ba tshegetso le setlhopha sa badiri ba kalafi ba ba tlhokegang kwa tiragalong ya motshameko, ba letleletsweng kwa lefelong.



- Ga go babogedi ba ba letleletsweng kwa mafelong a metshameko.



- Ditiragalo tsa boditšhabatšhaba tsa metshameko kwa dinageng tse di nang le phetisi le tshwaetso e e kwa tlase kgotsa ya bogareng ya COVID-19 di letleletsweng.



- Motlhankedi yo o netefatsang ikobelo o tshwanetse fa tiragalo e gataka melawanatsamaiso o tshwanetse:
- go laela batho kwa ditiragalong go phatlalala ka bonako; mme
- fa batho ba gana go phatlalala, kgato e e matshwanedi e tshwanetse go tsewa, mme e ka, go latela Molao wa Tsamaiso ya Tshekotshenyo, e akaretsa go tshwariwa le go tlatlhelwa ga motho mongwe le mongwe kwa tiragalong.

Diphitlho

Go simolola la 1 Mopitlwe 2021, dikaedi tse di latelang di ile go tsenngwa tirisong:



- Batho ba le 100 fela kgotsa kwa tlase ba ka tsenela phitlho.



- Fa lefelo le le nnye thata go amogela batho ba le 100, 50% fela ya selekanyo sa lefelo e ka dirisiwa.



- Botlhe ba ba leng kwa lefelong leo ba tshwanetse go rwala dimmaseke le go tshola sekgala sa katologano sa dimitara di le 1.5 go tswago mongwe le mongwe.



- Ditebelo tsa bosigo ga di a letlelelwa.




- Bahutsafadi ba ka se tsenele ditiragalo tsa morago ga phitlho.




- Phitlho e lekanyeditswe diura di le pedi fela.

Ditiragalo tsa go rupa


Ditiragalo tsa setso tseno tse di botlhokwa di letleletswe fela fa:




- Morago ga go rupa ("imigidi") mekete e letleletswe fela le go lekanyetswa go batho ba le 100 kgotsa kwa tlase



- Fa lefelo le le nnye thata go batho ba le 100, selekanyo ka botlalo fela sa 50% ya lefelo leo e ka dirisiwa.



- Fela botlalogolo jwa batho ba le 250 ba ka tsenela ditiragalo tsa kwa ntle ga lefelo fa sekgala sa katologano sa dimitara di le 1.5 se kwa tsholwa.



- Fa lefelo le le kwa ntle le le dinnye go letlelela batho sekgala sa katologano sa dimitara di le 1.5, e ka nna 50% fela ya lefelo e ka dirisiwang.

Kaelo

<https://www.gov.za/documents/disaster-management-act-regulations-alert-level-1-during-coronavirus-covid-19-lockdown-18>